



# Պարույր Սևակ

## Ուզում եմ

Ես ուզում եմ, որ պարապը լցվի լացով,  
բայց ոչ թե մոր, այլ մանուկի:  
Ես ուզում եմ, որ կարապը ոչ թե մեռնի,  
որ կարապը ապրի՝ երգով:  
Ես ուզում եմ, որ տարափը տեղա արտի,  
ոչ թե՝ իգուր՝ ծովի վրա:  
Ես ուզում եմ, որ քարափը քարայծ պահի,  
ոչ թե օձեր և մողեսներ:  
Ու թե մահը անխուսափ է՝  
Թող նա տանի ո՛չ հերոսին, այլ մարդուկին:  
Թե կռիվը անխուսափ է՝  
Թող չկռվեն երկու երկիր, այլ մարդ ու կին:  
Թե արդուկելն անխուսափ է՝  
Ահա շո՛րը - սի՛րտ մի հանձնեք տաք արդուկին:  
Թաղե՞լ է պետք -  
պառավ մորը որդին թաղի,  
ոչ թե մայրը ջահել որդուն:  
Եթե երգել՝  
Այնպե՛ս երգել, որ մտքի մեջ չմտածեն. «Հոգի հանեց»:  
Եթե գրել՝  
Այնպե՛ս գրել, որ նվաղեք իրար գրկում:

Եթե հարգել՝

Այնպե՛ս հարգել, որ քժնանքի չվերածվի:

Եթե փրկել՝

Այնպե՛ս փրկել, որ փրկվածը երախտիքի խոսքեր չասի:

Ու թե պատկել՝

Այնպե՛ս պատկել, որ խափանվի տանկի՛ ճամփան,

ոչ թե հրշեջ մեքենայի:

Մի անգամ էլ թողեք ուզեմ.

Ես ուզում եմ՝

ինչպես մարդու նախահայրը իր օթևան քարանձավից՝

չար նախանձի կերպարանքով հին գագանն էլ

առանց ցավի մարդու սիրտը թողած՝ գնա՛...

Ես ուզում եմ.

Եթե գերվել՝

ոչ թշնամուց,

այլ խելքահան աղջիկներից:

Եթե մերվել՝

ապա երբեք չթթվելով:

Եթե լարվել՝

ապա միայն ստեղծելիս:

Եթե ճարվել՝

ապա փրկել մահամերձին:

Եթե ներվել՝

էլ չվիճե՛լ, էլ չկռվե՛լ:

Եթե սիրվել՝

միայն մեկի՛ց և մե՛կ անգամ...

Ես ուզում եմ, ձեր կարծիքով անհնա՞րր:

Թո՛ղ, այդ դեպքում, կանայք ծնեն առանց ցավի՛,

Երկրրները պատերազմեն, սակայն առանց արյան ծովի՛,

Հրդեհները առանց հրի՛ թող ճարակեն,

Մարդիկ իրար առողջությամբ թող վարակեն:

Թե բարակել է հարկավոր՝

թող բարակի մե՛ջքը կանանց,

Թե տատակեր է հարկավոր՝

թող նա մնա մեզ անճանա՛չ:

Պատարագե՞լ է հարկավոր՝

համերգային մեծ բեմերի՛ց պատարագվի,

ո՛չ թե երգով դագաղ փակվի:

Կոտորակվե՞լ է հարկավոր՝

դպրոցական տետրակներո՛ւմ կոտորակվի,

ո՛չ թե մարդկանց սիրտը ծակվի:

Ի՞նչ, տրաքվե՞լ է հարկավոր.

թող տրաքվի մանկան փուշիկ-խաղալիքը,

այն էլ եթե անորակ է,

ոչ թե արդար և մեղավոր

մեր մարդկային մոլորակը...

Ես ուզում եմ...

Այն եմ ուզում՝ ինչ ամենքրդ...

25, 26.V.1957թ.

Մոսկվա